



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

9 JUN 2021 (RABU)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

9 JUN 2021 (RABU)

Bengkel kereta boleh beroperasi

Kuala Lumpur: Perkhidmatan bengkel kenderaan, penyelenggaraan dan alat ganti disenaraikan sebagai aktiviti yang diberi kebenaran beroperasi sepanjang sekatan pergerakan penuh sehingga 14 Jun ini.

Kebanaran beroperasi diberikan dengan kapasiti pekerja dihadkan sebanyak 60 peratus. Bagaimanapun, perkhidmatan cuci kenderaan tidak dibenarkan.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi, berkata kebenaran beroperasi bagi perkhidmatan itu sudah dijelaskan dalam kenyataan 31 Mei lalu.

Beliau berkata, tidak timbul isu Kementerian berdiam diri berkaitan pengoperasian bengkel

kereta kerana perkara itu sudah dimaklumkan.

Katanya, perkara itu juga dihebah secara meluas menerusi pelbagai platform, termasuk di laman web dan laman sosial Kementerian Perdagangan Dalam Negeri dan Hal Ehwal Pengguna (KPDNHEP), selain hebahan media.

"Dalam kenyataan rasmi itu, senarai perkhidmatan perlu yang diberi kebenaran operasi dityakan dengan jelas, selain prosedur operasi standard (SOP) yang perlu dipatuhi oleh semua pihak terbabit," katanya dalam kenyataan semalam.



Alexander Nanta Linggi

Beliau mengulas dakwaan bekas Timbalan Menteri Perdagangan Antarabangsa dan Industri (MITI) merangkap Ahli Parlimen Bangi, Dr Ong Kian Ming bahawa KPDNHEP berdiam diri dalam isu bengkel kereta yang turut menimbulkan kekeliruan dalam kalangan pemilik perniagaan.

Kian Ming mendakwa berikutan kekeliruan itu banyak bengkel kenderaan ditutup dan menyusahkan ramai pihak, termasuk pengguna.

Sementara itu, mengulas isu kekeliruan terhadap larangan penjualan arak dan kebenaran

menjual rokok dibangkitkan Kian Ming, Alexander berkata, kenyataan dikeluarkan 31 Mei lalu turut menjelaskan perkara itu.

Beliau berkata, pihaknya sudah menjelaskan bahawa kedai serbaneka atau pasar mini dan kedai runcit dikategorikan sebagai *essential* dan diberikan kebenaran beroperasi.

"Ini bermaksud segala barangan di kedai serbaneka boleh dijual kepada pengguna, termasuklah arak dan rokok.

"Di premis pasar raya dan pasar raya besar, penjualan barang terhad kepada makanan dan minuman/keperluan asas, farmasi/kedai penjagaan diri dan kedai serbaneka/pasar raya dan restoran (hanya untuk dibawa pulang)," katanya.

Bengkel kenderaan dibenar beroperasi sepanjang SPP ini

Kuala Lumpur: Perkhidmatan bengkel kenderaan serta jualan rokok dan arak di kedai serbaneka adalah dibenarkan sepanjang sekatan pergerakan penuh (SPP) Fasa Pertama ini.

Menteri Perdagangan Dalam Negeri dan Hal Ehwal Pengguna Datuk Seri Alexander Nanta Linggi berkata, perkhidmatan bengkel kenderaan, penyelenggaraan dan alat ganti disenaraikan sebagai aktiviti yang diberi kebenaran beroperasi dengan kapasiti pekerja dihadkan 60 peratus sahaja.

Katanya, kedai serbaneka serta kedai runcit pula dikategorikan sebagai *essential* dan diberi kebenaran beroperasi, maka barangan jualan termasuk arak dan rokok boleh dijual kepada pengguna.

"Majlis Keselamatan Negara (MKN) memutuskan semua kilang minuman keras di seluruh negara diarah tutup seperti diumumkan Menteri Kanan (Keselamatan), Datuk Seri Ismail Sabri Yaakob pada 1 Jun lalu.

"Ditegaskan kedai atau premis yang hanya menjual minuman keras tidak dibenarkan beroperasi.

"Kementerian Perdagangan Dalam Negeri dan Hal Ehwal Pengguna (KPD-NHEP) sudah mengarahkan semua premis berkenaan ditutup sepanjang tempoh SPP fasa pertama ini," katanya.

Kelmarin, bekas Timbalan Menteri Perdagangan Antarabangsa dan Industri (Miti), Dr Ong Kian Ming melalui sebuah portal membangkitkan isu kekeliruan terhadap larangan penjualan arak dan kebenaran menjual rokok sepanjang pelaksanaan SPP sejak 1 Jun lalu.

Ahli Parlimen Bangi itu dilaporkan berkata, KPD-NHEP tidak pernah mengeluarkan kenyataan mengenainya termasuk isu operasi bengkel kereta menyebabkan kekeliruan pemilik dan pengguna.

Alexander berkata, beliau sudah mengeluarkan kenyataan rasmi 31 Mei lalu bagi menjelaskan senarai perkhidmatan perlu sektor perdagangan yang dibenarkan beroperasi sepanjang SPP ini.

Premis jual minuman keras tidak dibenar operasi

PUTRAJAYA - Premis yang hanya menjual produk minuman keras sepenuhnya tidak dibenarkan beroperasi sepanjang pelaksanaan Sekatan Pergerakan Penuh.

Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi berkata, ia susulan keputusan Majlis Keselamatan Negara (MKN) yang mengarahkan semua kilang minuman keras ditutup pada 1 Jun lalu.

"Dalam senarai perkhidmatan perlu, telah diterangkan bahawa kedai serbaneka, pasar mini dan kedai runcit dikategorikan sebagai *essential* dan diberikan kebenaran beroperasi," katanya dalam kenyataan pada Selasa.

Beliau berkata, ia bermaksud segala barangan yang dijual di kedai serbaneka boleh dijual kepada pengguna termasuk arak dan rokok.

"Seperti di kedai serbaneka, minuman keras juga turut dijual bersama-sama barang keperluan lain di bahagian jualan minuman pasar raya dan oleh itu, ia boleh dijual kepada pengguna," katanya.

Beliau berkata demikian bagi mengulas kenyataan Ahli Parlimen Bangi, Dr Ong Kian Ming mengenai kekeliruan terhadap larangan penjualan arak dan kebenaran menjual rokok ketika PKP 3.0.

Alexander berkata, selain isu pen-

jualan minuman keras, kenyataan Kian Ming yang mendakwa KPDNHEP mengambil tindakan berdiam diri dalam isu pengoperasian bengkel kereta sehingga menimbulkan kekeliruan ramai juga adalah tidak benar.

"Kenyataan media yang dikeluarkan sebelum ini telah menjelaskan bahawa perkhidmatan bengkel kenderaan, penyelenggaraan dan alat ganti disenaraikan sebagai aktiviti yang diberi kebenaran beroperasi dengan kapasiti pekerja dihadkan sebanyak 60 peratus sahaja.

"Bagaimanapun, perkhidmatan cuci kenderaan tidak dibenarkan.

"Justeru, tidak timbul isu kementerian berdiam diri berkaitan pengoperasian bengkel kereta kerana perkara itu telah dimaklumkan," katanya.

Menurutnya, informasi berkaitan sektor yang dibenarkan juga telah dihebahkan secara meluas melalui pelbagai platform termasuk di laman web dan laman sosial KPDNHEP selain hebahan media.

"Ini adalah masa sukar yang dihadapi oleh semua dan saya amat berharap setiap daripada kita berhenti daripada mensensasikan pelbagai isu yang boleh menimbulkan keresahan rakyat.

"Adalah lebih penting untuk kita sama-sama bekerjasama membantu memulihkan keadaan daripada meneguhkan lagi suasana," katanya.

Isu harga minyak masak meningkat

Kenakan kawalan jika harga tidak munasabah

KPDNHEP bincang agensi berkaitan tingkat mekanisme pelaksanaan harga bantu kurang beban

Oleh Zanariah Abd Mutalib
dan Mohd Zaky Zainuddin
bhnews@bh.com.my

Kuala Lumpur: Kementerian Perdagangan Dalam Negeri dan Hal Ehwal Pengguna (KPDNHEP) akan mengenakan harga kawalan atau harga maksimum jika harga sesuatu barangan melonjak kepada paras tidak munasabah.

Menterinya, Datuk Seri Alexander Nanta Linggi, berkata tindakan itu boleh dilaksanakan, sama seperti Skim Harga Maksimum Musim Perayaan (SHMMP), yang mana KPDNHEP menjangka permintaan barangan tertentu akan meningkat dan menekan harganya, seperti yang biasa berlaku dalam pasaran bebas.

Kenyataan itu susulan ru-

ngutan orang ramai mengenai peningkatan mendadak harga minyak masak botol di pasaran, iaitu peningkatan sekitar RM4 hingga RM5 bagi minyak masak seberat lima kilogram (kg).

Alexander menjelaskan, minyak masak yang dijual dalam botol plastik bersaiz dua kg, tiga kg, lima kg dan dalam tin 17 kg adalah tidak bersubsidi, tidak seperti minyak masak yang dipek dalam bungkusan polibeg satu kg.

"Harga minyak masak botol ditentukan harga minyak masak mentah (CPO) di pasaran dunia. Rakyat boleh membuat pilihan sama ada hendak membeli minyak masak bersubsidi dalam kemasan polibeg satu kg atau yang tidak bersubsidi dalam kemasan botol plastik dan tin.

"Pada masa ini, harga CPO di pasaran dunia sudah mencecah lebih RM4,500 satu tan, berbanding RM2,500 satu tan sebelum ini, iaitu bersamaan kira-kira RM4.50 per kg sebelum diproses dan dibotolkan.

"Ini bermakna kos minyak sawit mentah saja sebelum dibotolkan sudah melebihi RM22 untuk lima kg. Itu tidak termasuk kos lain seperti pemprosesan, pembotolan, pengangkutan dan



Pengarah KPDNHEP Selangor, Muhamad Zikril Azan Abdullah (kanan) memeriksa bekalan dan harga minyak masak di sebuah kedai runcit di Kuala Kubu Bharu, semalam.

(Foto Fariz Iswadi Ismail/BH)

keuntungan di semua peringkat kilang, pemborong, pengedar serta peruncit," katanya.

Bagaimanapun, Alexander memaklumkan, KPDNHEP sedang berbincang dengan beberapa kementerian dan agensi berkaitan bagi mempertingkatkan mekanisme pelaksanaan harga untuk minyak masak bersubsidi dan tidak bersubsidi di pasaran bagi mengurangkan beban pengguna, yang mana hasilnya akan dimaklumkan kelak.

Mengulas mengenai minyak bersubsidi, beliau berkata, ia ditawarkan kepada pengguna pada harga mampu milik yang sangat munasabah iaitu RM2.50 sepaket walaupun harga CPO di pasaran dunia meningkat ketika ini.

Beliau berkata, kerajaan memperuntukkan 60,000 tan minyak masak itu sebulan atau 720,000 tan setahun, iaitu kira-kira 60 juta polibeg sebulan atau 720 juta polibeg setahun untuk kegunaan rakyat Malaysia di semua peringkat di seluruh negara.

Katanya, kuantiti itu adalah berdasarkan kadar penggunaan 1.8 kg seorang setiap bulan atau 22 kg seorang setahun.

"Kerajaan memberi jaminan kualiti minyak masak sawit bersubsidi yang dijual dalam poli-

beg adalah sama dengan yang dijual dalam botol, malah ada di antaranya dikeluarkan dari kilang yang sama," katanya.

Sementara itu, Menteri Perusahaan Perladangan dan Komoditi, Datuk Dr Mohd Khairuddin Aman Razali, berkata harga minyak masak di pasaran sekitar RM30 bagi botol lima kg adalah munasabah memandangkan kenaikan harga minyak sawit bertapis yang tinggi pada masa ini.

Beliau berkata, purata harga minyak sawit mentah (MSM) antara RM4,000 hingga RM4,500 satu tan menyebabkan kenaikan harga minyak sawit bertapis lebih tinggi kepada sekitar RM5,000 satu tan.

Justeru, katanya, ini menyebabkan harga minyak masak di kilang berada pada kadar RM4.50 hingga RM5 sekilogram.

"Jika lima kilogram sekitar RM25. Belum dikira kos pembungkusan dan lain-lain. Dengan rantaian bekalan menerusi pemborong dan peruncit, sangat munasabah harga minyak masak di pasaran sekitar RM30 bagi botol lima kilogram.

"Minyak masak sawit berada di bawah KPDNHEP, namun sebagai menteri yang menjaga

sawit, saya terpenggil untuk menjelaskan isu kenaikan harga MSM yang memberi kesan kepada harga minyak masak," katanya menerusi Facebook rasminya.

Mohd Khairuddin berkata, ketika ini minyak masak pek dua kilogram dan lima kilogram berada di pasaran sekitar 300,000 tan dan minyak masak pek bersubsidi satu kilogram kira-kira 720,000 tan, manakala sebanyak 19 juta tan dipasarkan di pasaran antarabangsa menerusi eksport.

Katanya, wujud penyelewengan minyak masak bersubsidi yang dijual pada harga RM2.50 bagi pek satu kilogram, sebelum ia dipek semula kepada kilogram dan dijual dengan harga pasaran RM20 sebelum ini dan kini berada pada sekitar RM30.

"Sekiranya subsidi diperluaskan kepada minyak masak lima kilogram untuk kegunaan M40 dan T20, penyelewengan boleh berlaku lagi pada skala lebih besar dan memerlukan penguatkuasaan lebih ketat oleh kerajaan.

"Sudah lama rakyat M40 dan T20 menikmati minyak masak pada harga rendah di atas kudrat dan keringat pekebun kecil yang berpendapatan kecil," katanya.

Minyak masak dalam botol plastik dan tin tiada subsidi, kata Alexander

PUTRAJAYA - Minyak masak yang dijual dalam botol plastik bersaiz dua, tiga dan lima kilogram (kg) serta di dalam tin 17kg tidak bersubsidi.

Menteri Perdagangan Dalam Negeri dan Hal Ehwal Pengguna (KPDNHEP), Datuk Seri

ALEXANDER

Alexander Nanta Linggi berkata, harganya ditentukan oleh harga minyak masak mentah (CPO) di pasaran dunia.

"Pada masa ini, harga CPO di pasaran dunia sudah mencecah lebih RM4,500 tan metrik berbanding sebelum ini sekitar RM2,500 tan metrik sahaja. Ia bersamaan lebih kurang RM4.50 per kg sebelum dipro-

ses dan dibotolkan," katanya pada Selasa.

Beliau berkata, ia bermakna kos minyak sawit mentah sebelum dibotolkan sudah melebihi RM22 untuk 5kg.

"Itu tidak termasuk kos-kos lain seperti pemprosesan, pembotolan, pengangkutan dan keuntungan di semua peringkat kilang, pemborong, pengedar dan peruncit," katanya.

Tegasnya, pelaksanaan Program Skim Rasionalisasi Minyak Masak (COSS) merupakan program subsidi minyak masak bertujuan untuk meredakan beban pengguna dalam kos sara hidup mereka.

"Mekanisme ini terbuka kepada semua golongan untuk mendapatkan minyak masak dengan harga berpatutan," katanya.

Menurutnya, subsidi itu diberikan kepada minyak masak yang dijual dalam bungkusan polibeg 1kg dan ditawarkan pada harga mampu milik iaitu RM2.50 sepeket.

"Kerajaan telah memperuntukkan sebanyak 60,000 tan metrik sebulan atau 720,000 tan metrik setahun. Ia bersamaan dengan 60 juta polibeg sebulan dan 720 juta polibeg setahun untuk kegunaan seluruh rakyat Malaysia," katanya.

Beliau bagaimanapun berkata, kerajaan memberi jaminan kualiti minyak masak sawit bersubsidi yang dijual dalam polibeg adalah sama dengan yang dijual dalam botol.



Anggota penguatkuasa KPDNHEP melakukan pemantauan bekalan minyak masak di beberapa premis perniagaan di seluruh negara baru-baru ini.

Sementara itu, beliau berkata, KPDNHEP sedang berancang dengan beberapa Kementerian serta agensi berkaitan untuk mempertingkatkan mekanisme pelaksanaan harga

minyak masak bersubsidi dan tidak bersubsidi di pasaran. Ujarnya, penguatkuasa KPDNHEP sentiasa memantau bekalan dan harga barangan di pasaran setiap hari.



Stringent check: An enforcement officer from the Domestic Trade and Consumer Affairs Ministry inspecting the price of the subsidised 1kg polybag cooking oil at a store.

RM600mil for subsidised cooking oil scheme

By ALLISON LAI
allison@thestar.com.my

PETALING JAYA: The RM600mil allocation for the government's Cooking Oil Price Stabilisation Scheme (COSS) is set to help Malaysians weather the tough times during the Covid-19 pandemic.

Domestic Trade and Consumer Affairs Minister Datuk Seri Alexander Nanta Linggi said it was higher than last year's RM528mil allocation.

"The allocation is used for the supply of subsidised cooking oil in 1kg polybag packaging and offered to consumers at RM2.50 per packet. "This is despite the increase in

world prices of crude palm oil (CPO)," he said in a statement yesterday.

Nanta noted that a total of 720,000 tonnes of cooking oil had been allocated this year, which is equivalent to 60,000 tonnes or 60 million polybags of cooking oil.

"The quantity is based on a consumption rate of 1.8kg per person per month (22kg per person per year).

"COSS is a cooking oil subsidy programme aimed at easing consumers' burden in their cost of living. It is open to all groups to get cooking oil at an affordable price.

"We want to assure Malaysians that the subsidised cooking oil in polybags is of good quality and the

same as bottled cooking oil. Some of them even come from the same manufacturing plants," he said.

"Bottled cooking oil in 2kg, 3kg, 5kg and 17kg packaging is not subsidised. The price is determined according to the world CPO prices.

"People can choose to purchase the subsidised oil in polybags or the others," he said, adding that the world CPO price was now at RM4,500 per tonne or RM4.50 per kilo before processing and packaging.

Nanta added that the ministry would come down hard on any business trying to profiteer from any products, including cooking oil.



SEORANG pengguna melihat harga minyak masak botol 5kg yang dijual di sebuah pasar raya di Pulau Pinang semalam.

Kualiti minyak masak pek setanding botol

Oleh WARTAWAN KOSMO!

PETALING JAYA – Mahal dan membebankan. Itu rungutan orang ramai termasuk golongan peniaga apabila harga minyak masak 5 kilogram (kg) mengalami peningkatan mendadak antara RM33 sehingga RM35 sebotol bergantung kepada jenama sejak bulan lalu.

Rata-rata mereka menyifatkan kenaikan harga antara RM4 hingga RM7 itu membebankan pengguna terutamanya mereka yang mengusahakan perniagaan menjual makanan.

Harga minyak masak 5kg mengalami peningkatan mendadak berikutan kenaikan harga minyak sawit mentah di pasaran global.

Sementara itu, di Alor Setar, seorang peniaga kedai runcit, Latifah Ghani, 49, berkata, dia terkejut apabila dimaklumkan pembekal berkaitan kenaikan harga minyak botol pada bulan lalu.

"Dahulu kami hanya jual min-

yak masak jenama Saji pada harga RM26.50 tetapi sekarang terpaksa jual RM29.50 walaupun hanya memperoleh untung RM1 sebotol.

"Kami hanya dimaklumkan pembekal punca kenaikan kerana minyak mentah mahal," katanya di sini semalam.

Salah seorang pengguna, Mohd. Badrul Hafiz, 26, berkata, kerajaan perlu bertindak segera bagi memastikan rakyat tidak terbeban dengan kenaikan harga minyak masak tersebut.

"Sebelum ini, saya membeli sebotol minyak masak 5kg pada harga sekitar RM23, namun sekarang ia sudah melambung sehingga RM31.10 bagi jenama sama.

"Rakyat diminta duduk di rumah ketika PKP menyebabkan penggunaan keperluan meningkat," katanya.

Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid berkata, pengguna mempunyai

pilihan untuk membeli minyak masak bersubsidi pada harga RM2.50 sebungkus yang memiliki kualiti sama seperti minyak masak yang dibotol.

Katanya, kerajaan telah memperuntukkan 60,000 metrik tan minyak masak bersubsidi dalam bentuk bungkusan 1kg setiap bulan bagi keperluan pengguna.

"Bekalan ini mencukupi untuk menampung keperluan lebih 32 juta rakyat Malaysia.

"Kita telah membuat kajian secara puratanya setiap isi rumah (negara ini) menggunakan kira-kira 1.8kg minyak masak sebulan," katanya di sini semalam.

Jelasnya, berdasarkan pemerhatian, bungkusan minyak masak bersubsidi mudah didapati di pasar raya dan kedai runcit di seluruh negara.

"Jika bekalan minyak masak bersubsidi tiada atau harga melebihi RM2.50 sebungkus, maklumkan segera kepada KPDNHEP," katanya.

Minyak paket jadi alternatif

Bekalan dalam bungkusan polibeg satu kilogram

Oleh Zatul Iffah Zolkipli
zatuliffah@hmetro.com.my

Kuala Berang

Pengguna boleh mendapatkan minyak masak bersubsidi di pasaran sebagai alternatif mengatasi masalah kenaikan mendadak harga minyak masak dalam botol lima kilogram ketika ini.

Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid (gambar) berkata, pengguna

mempunyai pilihan untuk mendapatkan bekalan minyak masak bersubsidi dalam bungkusan polibeg satu kilogram yang kualitinya setanding minyak masak dalam botol.

Menurutnya, minyak masak bersubsidi dijual dengan harga RM2.50 satu kilogram berbanding minyak masak dalam botol yang harganya tidak dikawal kerajaan dan dijual pada pelbagai harga dan berat.

"Kerajaan menyediakan kuota 60,000 metrik tan minyak masak dalam bungkusan polibeg satu kilogram setiap bulan bersama-

an 720,000 me-

trik tan setahun.

"Bekalan ini mencukupi untuk menampung keperluan 32 juta rakyat Malaysia dan mereka ada pilihan untuk mendapatkan minyak yang murah.

"Berdasarkan kajian, kegunaan minyak untuk rakyat Malaysia adalah 1.8 kilogram sebulan, ini purata kegunaan untuk isi rumah dan jika diikutkan bekalan minyak bersubsidi ini cukup untuk kegunaan rakyat Malaysia," katanya di sini, semalam.

Terdahulu, harga minyak masak dalam botol lima kilogram mengalami peningkatan mendadak sehingga RM35 sebotol berikutan kenaikan harga sawit di ladang yang kini dilaporkan naik sehingga RM1,000 setan berbanding RM300 satu tan sebelum ini.





MUHAMAD Zikril bersama pegawainya memeriksa bekalan dan harga minyak masak di sebuah kedai runcit di Kuala Kubu Bharu, semalam.

11 notis dikeluarkan kepada peruncit

Kuala Kubu Bharu: Kementerian Perdagangan Dalam Negeri dan Hal Ehwal Pengguna (KPDNHEP) Selangor menyiasat punca harga minyak masak botol lima kilogram (kg) dijual pada harga tinggi.

Pengarah KPDNHEP Selangor, Muhamad Zikril Azan Abdullah berkata, setakat ini sebanyak 11 notis dikeluarkan terhadap peruncit yang didapati menjual harga minyak masak botol 5kg pada harga tinggi.

Menurutnya, notis itu di-

berikan supaya peruncit dapat mengemukakan maklumat berkenaan bilangan pembelian dan harga diperoleh daripada pemborong.

"Hasil maklumat itu akan disiasat segera dan jika terdapat unsur kenaikan harga melampau akan dikenakan tindakan.

"Setakat ini kami belum boleh memutuskan lagi keputusannya dan menunggu dalam tempoh selama dua hingga lima hari bagi mereka memberi maklumat sebelum tindakan seterusnya boleh diambil," katanya

selepas meninjau minyak masak 5kg di kedai runcit di sini, semalam.

Muhamad Zikril berkata, siasatan dijalankan kerana ada tempat menjual minyak masak itu murah dan ada pula tempat yang menjualnya mahal, sebab itu pihaknya ingin lihat punca ia berlaku.

Beliau berkata, meskipun harga jualan minyak masak botol 5kg tidak dikawal kerajaan, namun peniaga masih tertakluk mengikut Akta Kawalan Harga dan Anti Pencatutan 2011.

Pengguna disaran beli minyak masak subsidi

JOHOR BAHRU - Kementerian Perdagangan Dalam Negeri dan Hal Ehwal Pengguna (KPDNHEP) Johor menyarankan pengguna mendapatkan bekalan minyak masak subsidi sebagai pilihan alternatif susulan peningkatan harga minyak masak botol ketika ini.

Pengarahnya, Mohd Hairul Anuar Bohro, pihaknya faham dengan dilema yang dihadapi pengguna tetapi dalam situasi sekarang, mereka mempunyai pilihan iaitu mendapatkan minyak masak subsidi pekete satu kilogram (kg) pada harga RM2.50 kerana ia masih banyak dan mudah diperolehi.

“Bagi mengelakkan minyak ini disalah guna atau menjadi sasaran pembelian di luar kawalan, kerajaan telah mengehadkan penjualan minyak paket satu kilogram terhad tiga unit seorang sahaja dengan setiap transaksi pembelian,” katanya pada Selasa.

Beliau berkata, sehingga Rabu, seramai 200 anggota pe-

nguatkuasa KPDNHEP Johor telah mengambil tindakan dengan membuat serahan 15 notis Seksyen 21 di bawah Akta Kawalan Harga dan Anti Pencatutan (AKHAP) 2011 kepada peruncit serta pemborong minyak masak yang menjual minyak masak pada harga yang tinggi.

Katanya, ia bagi mendapatkan penjelasan serta maklumat kos jualan untuk mengelakkan peniaga mengambil keuntungan yang tidak munasabah.

Pada masa yang sama, beliau memberi jaminan bekalan minyak masak di negeri ini masih mencukupi.

Tinjauan di sebuah pasar raya besar di Bukit Indah di sini mendapati bekalan minyak masak subsidi boleh didapati dengan mudah.

Menurut salah seorang pekerja, walaupun berlaku kenaikan



MOHD HAIRUL

an harga minyak masak, permintaan tidak terlalu terjejas dan pengguna beralih kepada minyak masak yang harganya sedikit rendah.

Sebelum ini, Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid

menyarankan pengguna mendapatkan minyak masak bersubsidi pekete plastik sebagai alternatif susulan kenaikan mendadak harga minyak masak dalam botol lima kilogram ketika ini.

Rosol berkata, kualiti minyak masak dalam pekete plastik satu kilogram setanding dengan minyak masak dalam botol.

Ia dijual pada harga RM2.50 1kg berbanding minyak masak botol yang harganya tidak dikawal kerajaan dan menyediakan kuota sebanyak 60,000 metrik tan minyak masak dalam pekete plastik 1kg setiap bulan.

Minyak masak subsidi habis

Pasar raya dan kedai runcit terpaksa hadkan jumlah belian minyak masak pek

SHAH ALAM

Isu kenaikan harga minyak masak sejak kebelakangan ini mencetuskan rasa bimbang pengguna khususnya peniaga makanan.

Tinjauan pada hari kedua *Sinar Harian* mengenai isu kenaikan harga minyak masak mendapati rak-rak menempatkan minyak masak

ISU HARGA MINYAK MASAK MELAMBUNG

kian berikutan bekalan stok bahan berkenaan semakin berkurangan sejak dua minggu lalu.

"Kita terpaksa menghadkan jualan kerana bimbang nanti ada pihak yang membuat pembelian secara bany

Kumar berkata, sebelum ini, dia mengambil sekitar tiga ke empat kotak minyak masak daripada pembekal, namun jumlah itu berkurangan sejak beberapa

"Oleh kerana stok yang ada pada kita pun terus berkurangan, kita terpaksa menghadkan jualan bagi setiap orang bagi mem-



Minyak masak pek

bolehkan lebih ramai untuk membelinya," katanya.

Di PERAK, bekalan minyak masak bersubsidi di sekitar bandar raya ini masih boleh diperoleh pengguna biarpun jumlah pembelian terhad.

Tinjauan di beberapa kedai runcit dan pasar raya mendapati orang ramai masih boleh mendapatkan minyak masak tersebut dengan setiap seorang dihadkan hanya dua pek

Bagi peniaga kedai runcit, Mohamed Arib Aliah, bekalan minyak masak bersubsidi di kedainya masih ada dan mencukupi setakat ini.

Menurutnya, stok yang diberikan pembekal sangat terhad iaitu hanya dua kotak sahaja di-

berikan untuk pemborong dengan jualan yang terhad.

"Kita memang jual ikut kuantiti yang ditetapkan iaitu dua pek bagi setiap pelanggan. Memang kita jaga betul-betul stok supaya bekalan mencukupi.

"Cuma bila harga minyak masak 5kg naik, kita harap stok bagi minyak masak subsidi ini cukup di pasaran," katanya.

Mengenai kenaikan harga minyak masak, Mohamed Arib berkata, pihaknya menyifatkan keadaan itu amat membebankan pengguna.

Di PAHANG, kesukaran mendapatkan minyak masak polibeg sejak beberapa hari lalu menjadi masalah kepada para peniaga kecil di sini untuk menjalankan perniagaan.

Salah seorang pekerja pasar raya terbabit memberitahu, mereka sudah tidak memperoleh bekalan minyak masak tersebut sejak Isnin lalu.

Bagi peniaga kedai runcit, Ariyadi Jemilan, 60, premisnya hanya menjual minyak botol selepas tidak mendapat bekalan minyak tersebut sejak beberapa hari lalu.

"Hanya ada kotak sahaja, minyak pek tiada dan memang pelanggan merungut kerana mereka perlukan minyak pek kerana harganya lebih murah," ujarnya.

Situasi tersebut meresahkan pengguna khususnya kalangan

para peniaga yang terpaksa mengeluarkan belanja lebih untuk membeli minyak masak.

Di NEGERI SEMBILAN, lain pula kisahnya apabila bekalan minyak masak subsidi yang dijual dalam bentuk pek-seberat 1kg di sini masih mencukupi.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Negeri Sembilan, Ain Arjuna Aziz Zaman berkata, pihaknya belum menerima sebarang aduan pengguna berhubung kesukaran untuk mendapatkan minyak berkenaan.

"Susulan peningkatan harga minyak masak botol, kemungkinan orang beralih kepada minyak masak pek itu mungkin ada, tapi tidaklah sehingga menyebabkan bekalannya berkurangan atau tidak mencukupi," katanya.

Di PULAU PINANG, pemilik kedai runcit, Ali Akbar, 50-an berkata, bekalan barangan keperluan itu tidak pernah terputus walaupun ketika Sekatan Pergerakan Penuh dikuatkuasakan di negara ini.

Bagaimanapun, katanya, syarat maksimum tiga pek sahaja untuk seorang pembeli masih digunakan bagi memastikan tiada pembelian secara pukal berlaku.

"Setakat hari ini, bekalan minyak masak bersubsidi masih cukup," katanya.

Perangi sindiket kartel minyak masak

ALOR SETAR: Kementerian Perdagangan Dalam Negeri dan Hal Ehwal Pengguna (KPDNHEP) perlu memerangi sindiket 'kartel' minyak masak yang dipercayai mengambil kesempatan daripada kenaikan harga minyak sawit dunia untuk menaikkan harga sesuka hati.

Berikutan itu, harga minyak masak dalam botol seberat lima kilogram yang tinggi sejak awal tahun ini dijangka terus meningkat dalam tempoh terdekat.

Bercakap kepada *Utusan Malaysia* di sini semalam, Setiausaha Persatuan Pengguna Kedah (Cape), Mohamad Yusrizal Yusoff berkata, hasil pemantauan mendapati harga minyak masak dalam botol meningkat antara RM4 hingga RM5 sebotol di negeri ini

sejak dua hari lalu.

"Kebanyakan syarikat pemborong dan pengeluar minyak masak dalam botol mengambil kesempatan menaikkan harga sesuka hati kerana minyak masak itu tidak termasuk dalam Program Skim Rasionalisasi Harga Minyak Masak (COSS).

"Dalam masa yang sama, 'kartel' pula dipercayai memainkan peranan dalam menentu harga barangan keperluan itu di pasaran termasuk minyak masak dalam botol sehingga sangat membebankan pengguna," katanya.

Sementara itu, tinjauan *Utusan Malaysia* di sebuah pasar raya di sini mendapati harga jenis minyak masak dalam botol seberat lima kilogram dijual antara RM28.49 hingga 35.99 sebotol.

Yusrizal berkata, KPDNHEP sepatutnya memantau kenaikan harga minyak masak dalam botol untuk mengelakkan pengguna terbeban mengikut Akta AntiPencatutan 2011.

"Pihak KPDNHEP perlu mengkaji kenaikan harga yang munasabah dan tidak membebankan pengguna," katanya.

Kerajaan perlu segera kuat kuasa Akta Kawalan Harga

SHAH ALAM -

Kerajaan perlu segera menguatkuasakan Akta Kawalan Harga bagi mengawal kenaikan harga barangan asas termasuk minyak masak yang berlaku ketika ini.

Presiden Gabungan Persatuan-Persatuan Pengguna Malaysia (FOMCA), Datuk Dr Marimuthu Nadason berkata, akta tersebut perlu digunakan bagi memastikan rakyat tidak terbeban dengan kenaikan harga yang tinggi.

“Kita mempunyai Akta Kawalan Harga. Kerajaan harus menggunakan akta ini pada masa ini untuk barangan asas seperti minyak masak, beras dan gula. Ini semua adalah barangan keperluan asas yang diperlukan rakyat semua.

“Setiap tahun, kita ada musim perayaan dan kerajaan guna akta itu untuk harga siling. Begitu juga sekarang, kita gunakan harga siling kepada barangan asas supaya ia



MARIMUTHU NADASON

tidak boleh naik mendadak.”

“Kalau kerajaan tidak tolong dan membiarkan sahaja, rakyat akan jadi susah. Bagaimana untuk mereka mendapatkan sumber bahan makanan,” katanya kepada *Sinar Harian* pada Selasa.

Marimuthu turut mencadangkan agar kerajaan mempunyai satu sistem amaran awal terhadap barangan yang berkemungkinan kehabisan stok dalam masa terdekat.

Katanya, kerajaan juga harus memberi kelonggaran kepada pihak yang mampu mengimport barangan asas bagi memastikan stok mencukupi.

“Kerajaan harus memberi kelonggaran kepada mereka yang boleh mengimport. Tak perlu ada monopoli.

“Kalau semua barangan dimonopoli pihak tertentu, bagaimana mahu mendapatkan barangan dengan harga berpatutan?” soal beliau.

Beri subsidi semua jenis minyak masak

IPOH - Kerajaan perlu mempertimbangkan semula pemberian subsidi kepada semua jenis minyak masak dan bukan hanya kepada minyak masak peket bagi menangani kenaikan harga bahan berkenaan di pasaran ketika ini.

Naib Presiden Parti Bumi-putera Perkasa Malaysia (Putra), Datuk Hamidah Osman berkata, kenaikan harga minyak masak ketika rakyat berdepan pandemik Covid-19 begitu membebankan dan memerlukan penyelesaian segera.

Menurutnya, minyak masak merupakan salah satu keperluan yang mana kenaikan harga barang itu boleh memberi kesan kepada kenaikan harga makanan lain.

“Sudah sampai masanya kerajaan memikirkan untuk melaksanakan subsidi ke atas semua jenis minyak masak, bukan hanya kepada minyak masak peket kerana ia akan memberi kesan kepada keperluan rakyat.

“Jika harga minyak masak ini dapat dikawal, sedikit seba-

nyak dapat mengurangkan beban ditanggung pengguna ketika ini,” katanya pada Selasa.

Beliau mengulas kenaikan harga minyak masak lima kilogram yang mencecah sehingga RM34 sebotol.

Hamidah turut membidas kenyataan Menteri Perusahaan Perladangan dan Komoditi, Datuk Dr Mohd Khairuddin Aman Razali yang menyifatkan kenaikan harga minyak masak di pasaran tempatan sebagai munasabah.

Menurutnya, kenyataan tersebut langsung tidak melihat masalah utama yang dihadapi oleh rakyat disebabkan kenaikan harga tersebut.

Katanya, jumlah tiga juta pekebun kelapa sawit yang mendapat manfaat daripada kenaikan harga tersebut langsung tidak membantu rakyat lain yang tidak memiliki kelapa sawit.

Jelasnya, kementerian berkenaan perlu bersama-sama membantu meringankan beban rakyat lain yang terkesan akibat pandemik Covid-19.

Bekalan minyak paket bersubsidi makin kurang

Kota Bharu: Pengguna dakwa dibebani dengan kenaikan harga minyak masak botol lima kilogram, selain kekurangan bekalan minyak paket bersubsidi.

Tinjauan di beberapa pasar raya, pasar mini dan kedai runcit sekitar daerah ini mendapati harga minyak masak botol lima kilogram (kg) naik sehingga RM7 sebotol berbanding harga sebelum ini iaitu antara RM25 hingga RM33 bergantung kepada jenama.

Pada masa sama, tinjauan di kedai runcit pula mendapati kebanyakkan peniaga mengalami masalah kekurangan bekalan minyak masak paket sejak lebih sebulan lalu menyebabkan pengguna tidak mempunyai pilihan

dan terpaksa membeli minyak masak botol walaupun harganya agak mahal.

Peniaga makanan, Siti Nuraisyah Ibrahim, 32, berkata sejak dari dulu lagi minyak masak dalam botol menjadi pilihannya disebabkan pengunaannya lebih tahan lama, selain kualiti juga lebih bagus berbanding minyak masak dalam paket.

"Bagaimanapun sejak seminggu lalu selepas kerajaan melaksanakan sekatan pergerakan penuh bagi mengekang penularan pandemik COVID-19, saya mendapati minyak masak

botol lima kg sudah naik harga.

"Sebelum ini harga minyak masak botol lima kg adalah antara RM25 hingga RM27, namun tidak sampai sebulan minyak masak berkenaan naik secara drastik sehingga mencecah harga RM33.

"Harga barang keperluan terutama minyak masak yang melonjak naik sangat membekalkan pengguna apatah kepada mereka yang mengusahakan perniagaan menjual makanan demi kelangsungan hidup," katanya ketika ditemui, di sini semalam.

Suri rumah, Siti Zawinah

Zainal Abidin, 56, berkata sebelum ini, harga minyak masak dalam botol antara RM20 hingga RM30 mengikut jenama.

"Bagaimanapun, saya sangat terkejut dengan kenaikan mendadak harga minyak masak botol lima kg berbanding sebelum ini dan dalam masa sama penggunaan minyak masak pada setiap bulan juga bertambah disebabkan mempunyai anak ramai dan setiap hari perlu memasak untuk mereka.

"Saya rasa harga minyak masak botol lima kg mula naik sejak beberapa minggu lalu kerana sebelum ini saya ada membeli satu jenama minyak masak pada harga RM26, namun hari ini (semalam) jenama sama dijual pada harga

RM30.50," katanya.

Sementara itu, peniaga kedai runcit, Mohd Afiq Hussin, 30, berkata, dia masih menjual minyak masak botol lima kg mengikut harga lama, namun bekalannya kini sudah tidak banyak hanya ada dua tiga jenama sahaja.

"Bekalan minyak masak botol di kedai ini adalah bekalan lama dan sebab itu saya masih jual pada harga lama yang saya ambil daripada pemborong.

"Bagaimanapun, minyak masak bersubsidi di dalam paket menjadi pilihan utama pengguna, namun sejak lebih sebulan lalu minyak masak bersubsidi di kedai saya terputus bekalan dan hanya menjual minyak masak botol," katanya.



Siti Nuraisyah Ibrahim

'Tiga harga berbeza'

Pengguna dakwa harga minyak masak bersubsidi di kedai runcit tidak sama

Oleh NURUL HUDA HUSAIN

BERA

Seorang suri rumah, Norain Masngud mendakwa minyak masak subsidi di kedai runcit sekitar Felda Keratong, Pahang dijual pada tiga harga berlainan.

Menurut wanita itu, harga minyak masak subsidi dalam peket sekilogram (kg) itu dijual antara RM2.50 hingga RM2.70.

"Agak terkejutlah, kebetulan semalam (Isnin) saya ada pergi ke kedai untuk membeli barang dan melihat harga minyak masak subsidi ada dijual pada harga RM2.50, RM2.60 dan RM2.70.



NORAIN



Pengguna mendakwa harga minyak masak subsidi dalam peket 1kg itu dijual antara RM2.50 hingga RM2.70 di Pahang.

**ISU HARGA
MINYAK MASAK
MELAMBUNG**

"Kebetulan pihak penguat kuasa (Kementerian Perdagangan Dalam Negeri dan Hal Ehwal Pengguna) datang membuat pemantauan dan meminta pemilik kedai segera menurunkan kepada harga asal iaitu RM2.50," katanya kepada *Sinar Harian* pada Selasa.

Jelasnya, harga minyak masak subsidi dijual melebihi har-

ga siling ditetapkan itu bukan sahaja berlaku di kawasan tempat tinggalnya tetapi turut didapati berlaku di Terengganu.

"Saya ada bercakap dengan adik ipar yang tinggal di Terengganu dan dia memberitahu, perkara sama turut berlaku di sana," katanya.

Jelasnya, pihak berkuasa perlu memantau dengan lebih kerap harga minyak masak subsidi yang dijual di kedai runcit khususnya di kawasan pedalaman bagi mengelak peniaga mengambil kesempatan.

		Senarai Harga Barang Keperluan	
• Ayam	RM5.99	• Telur Gred A	RM10.20
• Daging Lembu Tempatan	RM53.90	• Ikan Kembung	RM9.90
• Daging Lembu Import	RM15.80	• Minyak Masak	RM6.35
• Gula Pasir	RM2.60	• Bawang Putih	RM5.50
• Bawang Besar Holland	RM3.49	• Cili Merah	RM5.99
• Tepung Gandum	RM2.25	• Kubis Bulat Tempatan	RM2.20
*Harga (RM/kg) Sumber: KPDNHEP			



**KERATAN AKHBAR
DAN MEDIA ONLINE
(BERITA UMUM)**

9 JUN 2021 (RABU)

Beri bantuan berikutan SPP

JAKOA sedia RM12 juta bagi manfaat 62,269 KIR masyarakat Orang Asli terjejas

Oleh Zatul Iffah Zolkiply
zatuliffah@hmetro.com.my

Kuala Berang

Prihatin dengan nasib masyarakat Orang Asli yang terjejas susulan pelaksanaan sekatan pergerakan penuh (SPP) Perintah Kawalan Pergerakan (PKP), sebanyak 136 bakul makanan disampaikan kepada masyarakat berkenaan di Kampung Orang Asli Sungai Berua di sini, semalam.

Bakul makanan berisi bimbingan keperluan harian seperti beras, gula, tepung dan bihun itu disampaikan sendiri Timbalan Menteri 1 Pembangunan Luar Bandar, Datuk Seri Abdul Rahman Mohamad kepada 136 ketua isi rumah (KIR).

Abdul Rahman berkata, program bantuan bakul makanan itu dilaksanakan Jabatan Kemajuan Orang Asli (JAKOA) dengan peruntukan RM12 juta.

Katanya, ia memberi manfaat kepada seramai 62,269 KIR masyarakat Asli di se-



ABDUL RAHMAN (tengah) diiringi Ahli Parlimen Hulu Terengganu, Datuk Rosol Wahid (kanan) menerima borang pendaftaran suntikan vaksin Covid-19 daripada Pengerusi Jawatankuasa Pembangunan dan Keselamatan Kampung (JPKK) Kampung Sungai Berua, Alias Pelong, 56, (kiri) ketika turun padang menyerahkan bantuan makanan di Perkampungan Orang Asli Sungai Berua.

luruh negara yang terjejas sumber pendapatan apabila pelaksanaan SPP dilaksanakan pihak kerajaan bagi membendung penularan pandemik Covid-19.

"Bantuan kepada semua KIR itu dihantar secara berperingkat bermula 5 Jun lalu dan kita jangka penyerahan bantuan ini akan diselesaikan pada 14 Jun ini," katanya.

Abdul Rahman berkata, kementerian melalui Jakoa turut melaksanakan projek ekonomi di Kampung Orang Asli Sungai Berua melalui Projek Tanaman Kelapa Sawit seluas 59.73 hektar yang diuruskan Felra membabitkan 60 peserta.



ROSLI

Katanya, ia sebagai usaha kementerian untuk membantu menambah sumber pendapatan setiap peserta.

Tok Batin Kampung Sungai Berua, Rosli Desoh berkata, pihaknya berterima kasih atas sumbangan diberikan kepada masyarakat di perkampungan berkenaan.

"Majoriti penduduk mencari rezeki dengan mencari hasil hutan sebelum dijual di kawasan bandar tetapi Covid-19 ini membataskan pergerakan kami.

"Jadi sedikit sebanyak ia memang menjejaskan pendapatan kami terutama mereka yang mempunyai anak yang ramai," katanya.

Bagi Ibrahim Awang, 75, virus Covid-19 menyebabkan penduduk di sini tidak berani keluar ke bandar.



PENDUDUK Orang Asli suku Semaq Beri menyusun bantuan makanan untuk diagihkan kepada masyarakat kampung di Perkampungan Orang Asli Sungai Berua.



MASYARAKAT Orang Asli suku Semag Beri membawa pulang bantuan bakul makanan yang diperolehi daripada Kementerian Luar Bandar dan Jabatan Kemajuan Orang Asli (JAKOA).

"Biasanya, kami beli barang di Bandar Kuala Berang tetapi sebab Covid-19, kami tak berani keluar kerana takut dijangkiti.

"Jadi apabila ada bantuan sebegini memang ia sangat membantu dan terima kasih kepada kerajaan kerana tidak melupakan kami di sini," katanya.

Pada penyerahan itu, Abdul Rahman berkata, pihaknya turut menyeru masya-



Bantuan kepada semua KIR itu dihantar secara berperingkat bermula 5 Jun lalu dan kita jangkakan penyerahan bantuan ini akan diselesaikan pada 14 Jun ini"

Abdul Rahman Mohamad

rakat Orang Asli di kampung berkenaan supaya mendaftar temu janji pengambil suntikan vaksin Covid-19.

Bagi Ishak Namat, 58, dia sudah mendaftar sebagai penerima vaksin sebagai perlindungan kepada diri dan keluarganya.

"Kita tahu usaha kerajaan suruh suntik vaksin ini untuk kebaikan tetapi ada ramai yang takut sebab kami dengar pelbagai cerita yang negatif."

"Walaupun kami tidak keluar ke mana-mana tetap vaksin ini sebagai perlindungan apabila kita berada di tempat awam atau menerima kehadiran orang luar.

"Sebab itu saya sudah mendaftar dan kini menunggu giliran sahaja," katanya.